

經義知新記
健餘先生讀書筆
六藝論



11827

經
義
知
新
記

汪
中
著

中
華
書
局

叢書集成初編

經義知新記（及其他二種）

中華書局出版發行

（北京王府井大街三十六號）

秦皇島市資料印刷廠印刷
一九八五年北京新一版
開本：七八七乘一〇九二毫米三十二分之一
統一書號：一七〇一八·一五一

經義知新記

此據藝海珠塵本
排印初編各叢書
僅有此本

經義知新記

江都拔貢汪 中著

詩書執禮樂正以教學人習之故雅言易象春秋則微言也易觀其象而玩其占書不盡言言不盡意春秋之稱微而顯婉而辨太史職之孔子贊之修之而後商瞿左邱明傳之故曰仲尼沒而微言絕八卦之象又有六焉巽曰木井大過坎曰雲屯曰泉蒙曰雨解離曰明離晉明夷曰電噬嗑古之講經者執卷而口說未嘗有講義也元豐間陸農師在經筵始進講義陸佃傳崇政殿說書進講周官神宗稱善始命先一夕進藁按漢書張禹傳初禹爲師以上難數對已問經爲論語章句獻之此講義所由始

楚語惠王以梁與魯陽文子楚世家肅王十年魏取我魯陽地理志南陽有魯陽縣

春秋昭五年叔孫昭子卽位朝其家衆二十八年魏獻子之臣閭沒女寬退朝待於庭注魏子朝君退而待於魏子之庭非也昭七年左氏傳燕人歸燕姬北燕之爲姬姓於此得證

管子君臣上篇衣服繅纈盡有法度注云繅纈古袞冕字逸周書訓命解有紃紃有斧鉞紃纈卽蔽冕之假借哀二年左氏傳使太子纈注纈者始發喪之服

昭十五年左氏傳荀吳圍鼓鼓人或請以城叛穆子弗許二十一年荀吳略東陽使師僞繹者負甲以息於昔陽之門外遂襲鼓滅之

定八年左氏傳季桓子昨謂林楚曰而先皆季氏之良也而以是繼之正義顯與注背按注是正義非也哀二年左氏傳陳逢滑曰吳日敵於兵暴骨如莽楚子西曰闔閭食不二味云云勤恤其民而與之勞逸是以民不能勞死知不曠闔閭一人之事左氏敘述又同在一年而矛盾如此是可異也哀二十四年左氏傳魯宗人躋夏曰周公及武公取於薛然則周公夫人任氏也

韓非顯學篇薛見瞽瞍其容造焉造蹙聲之轉

韓非喻老篇魯季孫新弑其君吳起仕中按其時蓋當悼公之世悼之爲諡其以此歟

檀弓悼公之喪季昭子問於孟敬子曰爲君何食敬子曰食粥天下之達禮也吾三臣之不能居公室也四方莫不聞矣勉而爲瘠則吾能毋乃使人疑夫不以情居瘠者乎哉我則食食

周禮條狼氏掌執鞭以趨辟注孔子曰富而可求雖執鞭之士吾亦爲之言士之賤也論語邢疏亦引此文

衛侯辟疆朝於周更其名曰燬見韓非子又見賈誼新書漢書文帝紀二年中所引

宣十七年穀梁傳何去而之中按而讀如如雙聲假借也

昭二十五年公羊傳既哭以人爲菑何休注菑周垣埒也今大學辟雍作側字徐彥疏漢時大學辟雍所讀作側字云既哭以人爲側按此卽石經歟然則漢儒傳經其文字固不必盡依石經矣

孟子書載孟子爲卿於齊而其自言曰我無宮室我無言責趙氏注孟子將朝王云孟子雖仕於齊處師

賓之位。以道見敬諸侯。上大夫卿也。通謂之卿。是孟子亦列大夫也。劉向荀子攷云。方齊威王宣王之時。聚天下賢士於稷下尊寵之。若鄒衍田駢淳于髡之屬甚衆。號列大夫。又曰至齊襄王時。孫卿最爲老師。

齊尙修列大夫之缺。而孫卿三爲祭酒焉。史記亦云。然則荀子之稱卿。蓋以官著。如虞卿者歟。

荀子禮論云。薦器則有鑿而毋縱。注。鑿之言蒙也。冒也。按。鑿蒙冒。語之轉。左氏傳。茅戎公羊傳作買戎。

史記。宋微子世家正義。引司馬彪說云。箕子名胥餘。按。莊子大宗師云。若務不借務光。伯夷。叔齊。箕子。胥餘。紀它。申徒狄。是役人之役。適人之適。而不自適者也。然則胥餘。非箕子之名也。

噫嘻箋云。噫嘻乎。能成周之功。其德已著。至矣。謂光被四表格於上下者也。周頌譜引。亦同正義。引。注云。言堯德光耀及四海之外。漢書宣帝紀。甘露二年。陛下聖德充塞天地。光被四表。按。此用古文尙書也。古

文尙書作光。今文尙書作橫。橫。黃同聲。黃從英。古光字。光橫字異。而音義皆同。毛詩觥周禮作觥。

張仲孝友。善父母爲孝。善兄弟爲友。迺立冢土。戎醜攸行。起大事。動大衆。必先有事乎社。而後出。謂之宜。

天子造舟。諸侯維舟。大夫方舟。士特舟。此皆毛公之文。後人取以入爾正。疑梁文之徒爲之耳。

如酌孔取毛無文。鄭以爲器之孔。此與九江孔殷以爲山之孔者。同一異義。中按。孔甚也。如食但知宜飲而已。如酌則甚取之。所以見不顧其後。

月令鄭注。屢云。今月令作某。王懷祖云。世以今月令爲淮南時。則訓非也。漢世有明堂月令。蔡伯喈所撰也。中按。祭法引明堂月令曰。春曰其帝大皞。其神句芒。夏曰其帝炎帝。其神祝融。中央土曰其帝黃帝。其

神后土。秋曰其帝少昊。其神蓐收。冬曰其帝顓頊。其神元冥。其文與禮記同。然則月令之爲明堂月令。此其證也。

周禮匪頒之式。匪頒。卽分頒也。分。匪語之轉。

隱五年穀梁傳。苞人民。毆牛馬。曰侵。按苞卽俘字。古字通假。詩采芣正義引此作拘。傳寫之誤也。漢書浮邱伯。鹽鐵論作苞邱子。亦是字聲包聲同音通假之證。

大雅緜正義引襄十七年左氏傳。皋門之哲。按今本作澤門。左氏音義云。本或作皋門者。誤。陸說是也。蓋皋門爲宮門。非常人所居之地。杜注。澤門。宋城南門也。然則皇國父所居澤門。非皋門也明矣。或古本左傳正作畢。作皋門者。形近而譌。

程典解。文王合六州之衆。奉勤於商。商王用宗譴。震怒無疆。孔注。宗。衆。非也。宗當作崇。崇。侯虎耳。皇矣度其鮮原。箋。鮮。善也。逸周書和寤解。王乃出圖商。至于鮮原。注。小山曰。鮮。孔義。礪勝鄭。

逸周書芮良夫解。惟禍發於人之攸忽。人之攸輕。注。言人之所輕忽。則禍之所起。謂不民也。不當爲下。或爲小。

後漢書光武紀。南樂注云。左傳。齊國夏伐晉。取樂。卽其地也。其後南徙。故加南。今俗謂之倫城。聲之轉。按樂倫爲雙聲。而古韻諱文與寒桓合音最近。此以知音。固有以雙聲取協者。

呂氏春秋。孝行察微二篇。並引孝經。則孝經爲先秦之書明矣。有王按。魏文侯有孝經傳。見蔡邕明堂論。

詩淇澳會弁如星。呂氏春秋上農篇。庶人不冠弁。高誘注引詩作冠弁如星。按文高氏爲長。冠會語之轉。呂氏春秋重言論。君哇而不睚。所言者莒也。高誘注。哇閉而睚開。按此則開口合口之呼。上世已明著之矣。

詩絲衣載弁。俵俵載當爲爵聲之誤也。爵弁則絲衣也。

檀弓。斯季孫之賜也。季孫非鄭君。

七月言私其糴。獻豨于公。傳豕一歲曰豨。三歲曰豨。豕生三曰豨。正義豕生三豨。釋獸文箋既易。傳不以豨爲一歲之名。則豨亦非三歲之稱。釋獸釋鹿與麋皆云絕有力麋。義意蓋以麋爲鹿麋有力者也。破斧正義引書傳曰。管蔡流言。奄君薄姑謂祿父曰。武王已死。成王幼。周公見疑矣。此百世之時也。又引地理志云。成王時。薄姑氏與四國作亂。則薄姑非奄君之名。而云奄君薄姑者。彼注云。元疑薄姑齊地名。非奄君名。是鄭不從也。中按。昭二十年左氏傳曰。昔爽鳩氏居此地。季荊因之。有逢伯陵因之。薄姑氏因之。而後太公因之。薄姑。即薄姑。語輕重耳。左氏傳亳社。公羊傳作蒲社。鄭以爲齊地是也。史記周本紀。召公爲保。周公爲師。東伐淮夷。踐奄。遷其君薄姑。此則薄姑爲奄君所遷之地。而非名也。書序云。成王既踐奄。將遷其君於蒲姑。雖襲舊文。頗得事實。釋文蒲馬本作薄。

商頌元鳥宅殷土芒芒。三代世表。褚先生引此作宅殷社芒芒。按土社同音。書者省之。儀禮士昏禮有祱注。祱周禮謂之容。按祱容聲之轉。射者所蔽。容亦謂之乏。容乏語之轉。

士相見禮。在野則曰草莽之臣。孟子萬章下曰。在野曰草莽之臣。茅莽聲之轉。

鄉飲酒義。夏之爲言假也。中按。假大也。春秋傳曰。能夏則大。

易。後世聖人易之以書契。按列子說符曰。宋人有游於道。得人遺契者。歸而藏之。密數其齒。告鄰人曰。吾富可待矣。注。刻處似齒。然則書契之契。正謂刻也。與鑲同。

大明之七章正義。引大誓曰。師乃鼓譟。前歌後舞。格於上下。天地咸曰。孜孜無怠。鼓譟。尙書大傳作毳。毳音之誤也。不止別風淮雨矣。

詩秩秩大猷。聖人莫之莫。當作漠。

維師尙父。師大師也。尙父其字也。猶曰某甫耳。或稱呂尙。亦無定例也。毛傳云。可尙可父。劉向別錄云。師之尙之父之。箋云。尊稱。皆非也。

鳶飛戾天。魚躍于淵。中庸及毛傳並云。言其上下察也。中按。察當爲際。字之誤也。

詩旱麓正義。思齊正義。引桓六年左氏傳云。聖王先成於民。而後致力於神。今傳文脫上於字。

射義。賁軍之將。注。賁當爲偵。中按。賁當爲奔。行輩傳引此作奔。耄期稱道不亂。期毛作勤。聲之誤也。

公羊傳。隱三年渴葬也。釋名。日月未滿而葬曰渴。馬援傳。裁買城西地數畝。藁葬而已。藁葬卽渴葬。藁渴語之轉。漢書注。以藁爲草。非也。

思文正義。引鄭注。尙書。女后稷。播時百穀。時讀曰時。潘岳秋興賦。李善注。引周易。先王以茂對時育萬物。

以字林釋之曰。詩更別種。

子衿毛傳。古者教以詩樂。誦之歌之。弦之舞之。墨子公孟篇。第四十八日。誦詩三百。弦詩三百。歌詩三百。舞詩三百。

子衿傳。青衿。青領也。葛屨傳。襟領。按衿襟四聲之轉。釋器云。衣皆謂之襟。孫炎曰。襟。交領也。孔穎達曰。衿與襟。音義同。

子衿正義云。學子依十禮郊特牲云。天子之元子。猶士也。按當入學而太子齒。故均以士禮處之。

葉夢得謂漢代文章無引詩序者。惟黃初四年。有其公還。君子近小人之說。按西都賦云。德廣所及。是用漢廣序也。蔡邕獨斷引周頌詩序三十一篇。

載驅齊子。豈弟箋云。古文尚書以弟爲圉。今按宋徽子世家作涕。涕同弟。此今文尚書作弟。古文尚書作圉之證也。

襄十一年左氏傳。魏絳於是乎始有金石之樂。周禮春官大胥大夫判縣。曲禮下大夫無故不徹縣。正義大夫有娛身之樂。無祭祀之樂。

早麓詩。追琢其章。傳追雕也。天子雕弓。行葦雕作敦。追雕敦。皆語之轉。

宣六年左氏傳。引康誥曰。殪戎殷。周語引大誓曰。戎商必克。按二書所稱戎殷。戎商。并指紂而言。鄭注中庸。以爲壹用兵於殷。則以戎爲兵矣。又按中庸壹戎衣而有天下。壹卽殪之脫衣。與殷同音之轉。鄭祇云。

衣殷同聲。後儒遂以爲壹着戎衣。

曲禮上。男女非有行媒不相知。本衍名字。注及釋文皆可據。正義以問名爲言。非也。

雜記下。夫人之不命於天子。自魯昭公始也。按昭公以前。取者之告於天子。與天子之命之。經傳皆無所見。

曲禮正義。唯。喙也。按焦仲卿妻詩。諾諾復尔尔。卽喙也。與唯輕重讀耳。又按諾與喙同。

喪服杖期章。出妻之子爲父後者。則爲出母無服。亭林以爲此經文誤入傳。非也。經但言五服。不言無服。此傳兩云出妻之子。相對爲文。齊衰三月章。宗子之母在。則不爲宗子之妻服。是亦傳也。

墨子尙賢篇中。引詩曰。告女憂卹。悔女子鬱。孰能執熱。鮮不用濯。子鬱序爵。形近而義通。呂氏春秋務本篇引詩云。有曉淒淒。與雲祁祁。此皆在齊魯韓之前。

墨子尙賢篇下。武王有閔天。秦頤。南宮适。散宜生。按此則號叔不及武王之世。與君奭合。

節用篇中。昔者堯治天下。南撫交趾。北降幽都。按此可注堯典宅南交。補禹貢朔南暨。

左氏傳隱元年正義。士駕兩馬。大夫以上駕四馬。天王使宰又旣夕。注兩馬士制也。疏謂士在家常乘之。

法。若出使及征伐。則乘駟馬。公闕元鍾。東帛兩馬。詩卷阿正義。士無貳車。又止得一馬。旣庶且

曲禮下。天子謂之伯父。釋文云。本或有同姓二字。衍文。按陸說是也。下句別言異姓。則上句爲同姓可知。

省文見義之例也。唐本禮記有無同姓二字者。今本有之。從或有本也。

于定國傳。萬方之事。大錄於君。此大錄字。自用堯典語。孔傳雖僞。要亦有本。

隱元年。天王使宰咺來歸惠公仲子之賵。疏引服虔云。賵。覆也。天王所以覆被臣子。何休公羊注亦云。按此則賵當音冒。

文九年。公羊傳。許夷狄者。不一而足。隱二年。左氏傳。注。引許作禦。蓋杜以禦字釋公羊之許字。古人引經多有此例。如史記載尙書。史公每以解釋之字易經文。卽此意也。

程易田云。宓子賤名不齊。合讀則爲卑。楚子玉名得臣。合讀則爲敦。與取字義正合。亦如寺人勃鞞之爲披也。按檀弓上。衛將軍文子彌牟。正義引世本作文子木。彌牟合讀。亦正爲木也。史記周惠王名閱。世本作毋涼。毋涼合讀爲閱也。哀六年。左氏傳。公子鉏。一作南郭。且於○附考。彌牟。靈公子郢之子。見此節正義引世本。

檀弓上。幼名冠字五十以伯仲。正義引禮緯含文嘉云。賈家稱仲文。家稱叔。按何休數稱賈家。文家沿緯書之說也。

孟獻子之喪。司徒旅歸四布。正義司徒下有敬子二字。按正義非也。此因下文衛司徒敬子而錯誤。在此敬子二字。必衍文。正義不察耳。今本無是也。

襄二十五年。左氏傳。齊閔邱嬰與申鮮虞行及弇中。漢書藝文志。禮古經出於魯淹中弇。奄。古今字爾。檀弓下。子張問曰。書云。高宗三年不言。言乃譴。注。時人無行三年之喪禮者。按左氏傳。在喪而蒐。當時猶

以爲非禮。何至三年之喪遂廢。斯言之過也。

漢書禮樂志。其感人深。其移風易俗易。今禮記脫易字。因上文易字而誤也。

詩吉日既伯既禱。爾雅釋天文同毛云。伯馬祖也。說文示部引此作既禱既禱。於義爲長。北人讀伯如霸。因以當禱。周禮肆師注。貉讀爲十百之百。王制禱於所征之地。釋文。禱馬伯反。又音百。是其證也。古無四聲之別。禱貉百三字疊韻。今北人讀伯聲近霸。又近禱。

釋詁哉始也。釋文亦作裁。康誥哉生明哉生魄。並與裁字同。公冶長無所取材。集解一曰無所取哉。古字材哉同。說文才草木之初也。初裁並從衣。詩文王陳錫哉。周周語昭十一年宣十五年左氏傳。皆引作陳錫載。周詩駟鐵載。猓猓。箋載始也。疏載哉同義。夏本紀引書載采采作始事。莊二十九年左氏傳。水昏正而裁。釋文裁字林才代反。一音再。歷十年經宋人蔡人衛人伐戴。正義地理志。梁國菑縣。故戴國。應劭曰。古者菑戴聲相近。說文作載云。故國在陳留從邑。戈聲。詩俶載南畝。箋載讀爲菑。又爾雅說文。哉言之間。此則助字之哉。與爾雅尙書異。

左氏傳。今我大城陳蔡不羹。子革曰。是四國者。專足畏也。按後漢書郡國志。潁川郡襄縣有西不羹。定陵有東不羹。與陳蔡爲四國云。四當作三者。非也。

左氏傳。襄九年。祝宗用馬於四墉。昭十八年。祈於四鄺。此古人祀城隍之證。又禮記八蜡坊與水庸。中謂水卽隍。庸卽城也。庸墉鄺一字耳。

繞朝贈士會策正義引服注以策爲策書文心雕龍亦以爲策書於義爲長

遂人注載師疏引孟子作五畝之宅樹之以桑麻多一麻字

遺人疏引書傳行而無資謂之乏居而無食謂之困廩人疏亦引之係伏生大傳梓材篇文

夏書二百里蔡孟子殺三苗於三危漢書武五子傳骨肉之恩繁析而不殊蔡殺繁皆繁之譌

襄二十五年左氏傳陪臣干振史記齊世家作陪臣爭趨昭二十年傳賓將振周禮掌固注作賓將趨振

卽鑿字說文手部有振豆部有鑿卽一字也振夜戒有所擊也鑿夜戒守鼓也

發醒也賈誼新書先醒篇辟猶俱醉而獨先發也景十三王傳名長沙定王曰發鄒陽傳曰發悟於心

子諫篇上景公飲酒三日而後發又云君夜發不可以朝

緇衣彼都人士詩鄭注此詩毛氏有之三家則亡

晏子春秋諫下文王不敢盤游于田其文勝今尙書南史謝莊傳引書盤于游田已誤

管子諡敬仲見晉語晏子春秋作管文仲然則敬仲是其字歟史記股本紀武乙爲偶人正義云偶五苟

反偶對以土木爲人對象於人形其解迂曲按古偶寓字通寓人卽象人也

禮記如竹箭之有筠也正義筠是竹外青皮顧命云敷重筍席鄭云筍析竹青皮也禮記云如竹箭之有

筠案鄭注引禮記之筠以爲青皮是知呼筍爲筠中按古字句均通周官均人豐年則公旬用三日焉鄭

讀句爲均釋言云洵均也

旅弓旅矢。旅字不知所從。以義求之。卽旅字也。書序。旅天子之命。史記周本紀。旅作魯。說文。旅古文。以爲魯衛之魯。魯雖同聲。後人以意從玄耳。

久。古文終字。加久則爲冬。冬加糸又爲終字之偏旁。固有從而又從者。

文王有聲之詩。匪棘其欲。適追來孝。二句音不相協。禮器引之。作匪革其猶。聿追來孝。欲猶聲之轉。古音猶讀如搖。孝搖正相協也。

曲禮毋淫視。按淫。游也。語之轉。

車之覆。蒼謂之覆。玉藻。君羔裘虎。植亦謂之轅。詩大雅。輶綏淺轅。亦謂之覆。周禮。巾車。木車。犬視素車。大覆。漢車。鹿淺覆。驪車。然覆漆車。豈復。

說文手部。引詩。清人作左旋右招。抽好韻雖通。不若招義爲長。哀十四年。宋桓魋請以鑿易薄。薄卽毫也。故曰宗邑。定二年。奪之。杖以敲之。釋文。敲若孝反。又苦學反。引字林云。口交反。又口卓反。今俗讀如殼。方音之轉。非別有一字也。

定六年。孟孫知其費。以爲必適晉。故強爲之請。以取入焉。十九字與左氏文不類。似賈劉以後說經之辭。而誤作正文。杜因解之爾。

哀元年。伍員引少康事。按。越少康之後。故引之。

戰國策。齊策第十一。顏觸引易傳曰。居上位未得其實。以喜其爲名者。必以驕奢爲行。倨慢驕奢。則凶從。

之。此解易之最古者。左氏傳。吳子使覲。由犒師。韓非子說林作蹇融。蹇融由融。皆聲之轉。素問移精變氣篇。故可移精祝由而已。全元起曰。祝由南方神。然則卽祝融也。考元起梁武帝時人。見梁書王僧鑑傳。南史同。

詩奄有九有。毛傳。九有九州也。國語。魯語。共工氏之伯九有也。注。有域也。意古有與圉通。故有得爲域歟。有從又。從月月亦聲。毛詩無不爾或承。箋或之言有也。無逸亦罔或克壽。漢書鄭崇傳。及論衡。引作時亦罔有克壽。說文戈部。或卽域字。域乃重文。昭十七年左氏傳。魴也。以其屬死之。大卜注。引作魴。魴聲之轉。

周官大宗伯。國有大故。則旅上帝。及四望。鄭司農云。四望日月星海。元謂四望五岳。四鎮四瀆。疏曰。鄭不從者。禮無祭海之文。中按。學記三王之祭川也。皆先河而後海。賈說非也。疏又云。山川稱望。故書曰望秩於山川。中按。爾雅梁山晉望也。春秋傳江漢睢漳。楚之望也。賈說爲略。

小宗伯辨吉凶之五服。注。五服王及公卿大夫士之服。非也。吉服五十二章。九章。七章。五章。三章是也。凶服五齊。斬大小功。總麻是也。

宗子雖七十無無主婦。則是七十猶有娶婦之道也。女子十五而笄。有爲人母之道。則女之少於男。將且五十餘歲。藉如已受重於曾祖。而高祖母死。宜何服。

小宗伯若大甸。則率有司而饁獸於郊。遂頒禽。按太學在郊。此饁獸於郊。正謂射於澤宮耳。遂者。繼事之